



ՉԵՌՆԱԴՐՈՒԹՅՈՒՆ ՄԱՅՐ ՏԱՃԱՐՈՒՄ

Հոկտեմբերի 15-ին, կիրակի օրը, Մայր տաճարում տեղի ունեցավ հոգևոր ճեմարանի շրջանավարտ չորս շնորհալի սարկավագների քահանայական ձեռնադրությունը, ձեռամբ տ. Տիրան արքեպ. Ներսիսյանի:

ԿՈՉՈՒՄ ՆՈՐԸՆԾԱՆԵՐԻ

Ծաբաթ օրը, երեկոյան ժամերգությունից հետո, տեղի է ունենում նորընծաների կոչման արարողությունը, ըստ Ձեռնադրության Մաշտոցի:

Հնչում է «Նայեաց ի մեզ» շարականը, բացվում են ավանդատան դռները և եկեղեցական թափոթով դեպի իջման ս. սեղան է առաջնորդվում ձեռնադրող տ. Տիրան արքեպ. Ներսիսյանը: Նրան հետևում են չորս նորընծա սարկավագները: Ձեռնադրող սրբազանը բազմում է իջման ս. սեղանի առջև դրված աթոռին:

Սկսվում է «Կոչումն քահանայության յերեկոյէ» արարողության կարգը: Խարտավիլայության պաշտոնը կատարում է տ. Արսեն ծ. վրդ. Բերբերյանը, որը և, ըստ Ձեռնադրության Մաշտոցի, խոսելու հրաման ստանալով, ասում է.

«Հայր սուրբ, խնդրե՛ ի քէն մայրս մեր սուրբ Եկեղեցի, զի ձեռնադրեացես զՂազարոս, զԿարպիս, զԿտրին, զԾավարշ սարկավագունսս զոր ընծայէ քեզ, յաստիճան քահանայութեան»:

Այնուհետև հրապարակայնորեն քննվում է նորընծաների հոգևոր, իմացական պատրաստության հարցը: Բնությունից մեծ

նորընծաները հանդիսավոր հայտարարությամբ հանձն են առնում «ամենայն պատրաստությամբ և առանց ձանձրանալոյ կալ ի պաշտօնն Աստուծոյ, և ոչ խափանել զգործն Աստուծոյ վասն մարմնաւոր գործոյ»:

Ապա տեղի է ունենում նորընծաների ուղղափառ դավանության քննությունը:

Նորընծաները միաբերան ասում են. «Ունիմք զդաւանութիւն ուղղափառ հաւատոյ... ընդ սուրբ հայրապետն»: Եվ խոստանում են աշակերտել և հետևել եկեղեցու բոլոր ուղղափառ և աստվածաբան հայրապետներին ու վարդապետներին՝ Բարսեղ Կեսարացուն, Հովհան Ոսկերեքեանին, Գրիգոր Աստվածաբանին, Գրիգոր Լուսավորչին, Հովհան Օձնեցուն, Հովհան Որոտնեցուն, Գրիգոր Տաթևացուն և բազում այլ հայ և օտար աստվածաբաններին:

Արարողության ավարտին նորընծաները հրապարակային կերպով տալիս են իրենց «հաւատոյ խոստովանութիւն»-ը, ըստ Գրիգոր Տաթևացու սահմանած բանաձևի (Մաշտոց Ձեռնադրութեան, Վաղարշապատ, 1876, էջ 86—87):

ՉԵՌՆԱԴՐՈՒԹՅԱՆ ԵՎ ՕԾՄԱՆ ԿԱՐԳԸ

Կիրակի օրը Մայր տաճարում ս. պատարագ է մատուցում տ. Տիրան արքեպ. Ներսիսյանը, և կատարվում է «Վանոն ձեռնադրութեան քահանայի» արարողության կարգը:

Առավոտյան ժամը 11-ին սկսվում է ս.

պատարագը և շարունակվում մինչև «Զի ո-
ղորմած և մարդասէր ես Աստուած» մատ-
թանքը: Վեհաշուք հնչում է «Այսօր Աստ-
ուածությունն զուարճանայ» շարականը:

Նորընծաները ծնկաչոք ձախակողմյան
աստիճաններով բարձրանում են Ավագ
խորան և, հավատացյալների խոուններում
քաղմությանը դառնալով, բարձրացնում են
իրենց ձեռքերը, ի նշան աշխարհից հրա-
ժարման, դառնալու համար «ի սարկաազու-
թենէ ի քահանայութիւն սրբոյ եկեղեցոյ ի
սպասաորութիւն»:

Մայր տաճարի կամարների տակ հանդի-
սավոր ու հաղթական հնչում է «Աստուածա-
լին եւ երկնատր շնորհ» շարականը:

Հավատացյալ ժողովուրդը հոգեպես միա-
ձուլվելով այս արարողությանը, համոզումով
ու գոհունակությամբ ասում է. «Արժանի են»:

Այնուհետև նորընծաները բոլորվում են
ձեռնադրող տ. Տիրան արքեպ. Ներսիսյանի
շուրջը, որն իր ձեռքը խաչաձև դրած յուրա-
քանչյուրի վրա, արտասանում է ձեռնադրու-
թյան աղոթքը. «Եւ դնմ զձեռս ի վերայ
սորա, և դուք ամենեքեան աղոթս արարէք.
զի արժանի լիցի սա զաստիճան քահանա-
յութեան անարատ պահել առաջի սեղանոյ
Տեառն Աստուծոյ»:

Այնուհետև ձեռնադրող արքագանը «ձե-
ռամբն քերէ զուրարն զպարանոցան ի ծախ-
մէ ի յաջ» և ասում է. «Առ զլուծ Տեառն մե-
րոյ Յիսուսի Քրիստոսի. զի լուծ նորա քաղ-
ցրը է, և բեռն նորա փոքրոգի»:

Ընթերցվում է ս. Գրքից օրվա ընթերց-
վածքը և միաբերան ասվում «Հաւա-
տամբ»-ը: Եվ ս. պատարագը շարունակվում
է մինչև «Ողջոյն տուք միմեանց», որից հե-
տո աղոթքով ու սրբությանը նորընծաները
ստանում են քահանայական փիղունը և պա-
տարագի զգեստները:

Հանդիսավոր արարողությունը հասնում է
իր լուսմին, հոգևոր վերացման արքագան
բարձունքին, երբ ձեռնադրող արքեպիսկո-
պոսը քահանայական լիով զգեստավորման
մեջ կանգնած չորս նորընծաների ճակատն
ու ձեռքերը օծում է ս. մյուռոնով ու նրանց
վերանվանում հոգևորականի նոր անուննե-
րով:

Այսպես. Ղազարոս սրկ. Կյուրեղյանը վե-
րանվանվում է տ. Տիրան արքեպ, Կարպիս
սրկ. Գալստյանը՝ տ. Բագրատ, Կորիմ սրկ.
Ներսիսյանը՝ տ. Գարեգին, իսկ Ծավարշ
սրկ. Աշուրյանը՝ տ. Գուրգեն քահանա:

Այնուհետև տ. Տիրան արքեպ. Ներսիսյանը
նորընծաներին է տալիս «զսկիհն և զմաղ-
մայն», որպես պատարագ մատուցելու իշ-
խանության նշանակ, և, դառնալով ժողո-
վրդին, նորընծաները տալիս են իրենց ա-

ռաջին քահանայական օրհնությունը՝ «Եւս-
դաղութիւն ամենեցուն»:

Այս պատարագիչ արքագանը բովանդա-
կալից ու խրատական շնորհավորական քա-
րոզով դիմում է նորընծաներին, նրանց ցան-
կանալով հավատք, կորով, կարողություն՝
փառավորելու համար իրենց արքագան կո-
չումը՝ ի պայծառություն մեր ս. եկեղեցու:

Այնուհետև ս. պատարագը շարունակվում
է մինչև հավարտ:

Ս. պատարագից հետո նոր ձեռնադրված
քահանաները, զգեստավորված, շարվում են
Ավագ խորանի առջև: Վեհափառ Հայրապե-
տը ողջագործվում է նրանց հետ՝ համբու-
րում նրանց ճակատն ու տալիս իր օրհնու-
թյունը: Նորընծաներին շնորհավորում են
նաև Մայր Աթոռի միաբանները:

ՎԵՂԱՌԻ ՏՎԶՈՒԹՅՈՒՆ

Հոկտեմբերի 15-ին, կիրակի օրը, երեկո-
յան ժամերգությունից հետո, կատարվում են
«Օրհնություն արեղայի» և «Օրհնություն վե-
ղարի» կարգերը:

Տ. Տիրան, տ. Բագրատ և տ. Գարեգին
նորընծաները օրհնությամբ և աղոթքով
ստանում են վեղար:

Տ. Տիրան արքեպ. Ներսիսյանը հանում է
յուզաքանչյուր նորընծայի գլխից «ջրբուն»-ը
(զղակ)՝ այն փոխարինելով կուսակրոն քա-
հանայության խորհրդանիշ վեղարով, ասե-
լով. «Հանցե՛ Աստուած զհին մարդն գոր-
ծովք իրովք: Աստուած զգեցուցե՛ քեզ զնոր
մարդն՝ որ ըստ Աստուծոյ հաստատեալ է
արդարութեամբ և սրբութեամբ...»:

Արարողության ավարտին չորս նորըն-
ծաները տ. Տիրան արքեպ. Ներսիսյանի ա-
ռաջնորդությամբ ներկայանում են Վեհա-
փառ Հայրապետին:

Նորին Սրբությունը սիրով ու գոհունա-
կությամբ է ընդունում իր հոգևոր զավակ-
ներին, որոնց ուխտ են արել իրենց ողջ
կյանքը նվիրել Հայաստանյայց առաքելա-
կան սուրբ եկեղեցու պայծառացման և Մայր
Աթոռի ու հոգևոր սպասավորության արքա-
գան գործին:

Նորին Սրբությունը տալիս է իր հայրա-
կան օրհնությունը նորընծաներին՝ մաղթե-
լով հաջողություն իրենց առաքելական գոր-
ծունեության ճանապարհի վրա, լինելու
«Մշակք առանց ամօթոյ»:

*
* *

Տ. Տիրան արքեպ. Կյուրեղյան. ավագանի
անունով՝ Ղազարոս: Ծնվել է 1948 թվակա-
նին Կիպրոսի Նիկոզիա քաղաքում: Նախ-

նական կրթությունը ստացել է տեղի Մե-
լիքյան-Ուզունյան ազգային վարժարանում:

1962 թ. ընտանիքով ներգաղթել է մայր
հայրենիք և բնակություն հաստատել Կիրո-
վական քաղաքում: Ուսումը շարունակել է
տեղի միջնակարգ դպրոցում:

1964 թվականին ընդունվել է հոգևոր ճե-
մարան: 1968 թվականին, ա. Ստեփանոսի
տոնին, ձեռնադրվել է սարկավագ:

Հոգևոր ճեմարանը ավարտել է 1969—70
ուս. տարում: Իր ավարտաճառի նյութն է
եղել «Տարոնի սրբավայրերը»:

1971 թվականի հոկտեմբերից մինչև 1972
թվականի հուլիս ամիսը Վեհափառ Հայրա-
պետի բարեհաճ կարգադրությամբ և Արև-
մբոյան Եվրոպայի հայրապետական պատ-
վիրակ տ. Սեբուլթե արքեպ. Մանուկյանի
հրավերով պաշտոնավարել է Փարիզի հա-
յոց ա. Հովհաննես Մկրտիչ եկեղեցում:

1972 թվականի հոկտեմբերի 15-ին ձեռ-
նադրվել է կուսակրոն քահանա:

Տ. Բագրատ արքեպ. Գալստյան. ավագա-
նի անունով՝ Կարպիս: Ծնվել է 1947 թվա-
կանին Էջմիածնում:

1962 թվականին, միջնակարգ դպրոցը ավարտելուց հետո, ընդունվել է հոգևոր ճե-
մարան և այն ավարտել 1969—70 ուս. տա-
րում: Ավարտաճառի նյութն է «Հայ եկեղե-
ցու հարաբերությունը ուս եկեղեցու հետ»:

Սարկավագ է ձեռնադրվել 1969 թվակա-
նի դեկտեմբերի 25-ին: 1970—71 ուս. տա-
րում սովորել է Զագորսկում, ուսական հո-
գեվոր ճեմարանում: Այնուհետև ծառայել է
Ռոստովի հայոց եկեղեցում որպես սարկա-
վագ:

1972 թվականի հոկտեմբերի 15-ին ձեռ-
նադրվել է կուսակրոն քահանա:

Տ. Գարեգին արքեպ. Ներսիսյան. ավագանի անունով՝ Կտրին: Ծնվել է 1951 թվա-
կանին Էջմիածնի շրջանի Ոսկեհատ գյու-
ղում:

Սկզբնական կրթությունը ստացել է տեղի
միջնակարգ դպրոցում:

1965—66 ուս. տարում ընդունվել է հոգե-
վոր ճեմարան:

Ձեռնադրվել է սարկավագ 1970 թվակա-
նին, ա. Ստեփանոսի տոնին:

Հոգևոր ճեմարանն ավարտել է 1970—71
ուս. տարում: Ավարտաճառի նյութն է «Ե-
ղիշե արքեպ. Դուրյանի կյանքն ու գործունե-
ությունը»:

Այնուհետև մեկ տարի պաշտոնավարել է
հոգևոր ճեմարանում որպես վերակացու:

1972 թվականի հոկտեմբերի 15-ին ձեռ-
նադրվել է կուսակրոն քահանա:

Տ. Գուրգեն քահանա Աշուրյան. ավագա-
նի անունով՝ Շավարշ: Ծնվել է 1938 թվա-
կանին Պարսկաստանի Սուլթանաբադի շր-
ջանի Փրչստան գյուղում:

1946 թվականին ծնողների հետ հայրենա-
դարձել է մայր հայրենիք և բնակություն
հաստատել Արտաշատի շրջանի Բերքանոշ
գյուղում:

Սկզբնական կրթությունը ստացել է տեղի
միջնակարգ դպրոցում:

1955 թվականին ընդունվել է հոգևոր ճե-
մարան:

Սարկավագ է ձեռնադրվել 1967 թվակա-
նին:

1972 թվականի հոկտեմբերի 15-ին ձեռ-
նադրվել է քահանա:

«Էջմիածին» ամսագրի խմբագրությունը
այս ուրախ առիթով շնորհավորում է նոր-
ընծաներին, ցանկանում նրանց հաջողու-
թյուն՝ իրենց պաշտոնի ու ծառայության
մեջ՝ ի պայծառություն Մայր Աթոռի և մեր
եկեղեցու, ի մխիթարություն հայ հավատա-
յալ ժողովրդի:

ՍԱՄՎԵԼ ՍՐԿ. ՊԵՏՐՈՍՅԱՆ

